

SUMAJKT



NEWS

JARIDA LA MTANDAONI

TOLEO NAMBA 150 | FEBRUARI 11, 2022

UGENI KUTOKA MISRI WATEMBELEA JKT



Mkuu wa Tiba wa Jeshi la Kujenga Taifa nchini Misri Meja Jenerali Medhat Moustafa (kulia) akikagua paredi ya mapokezi baada ya kuwasili Makao Makuu ya SUMAJKT Mlalakuwa jijini Dar es salaam.

Idara ya Habari na Uhusiano Makao Makuu SUMAJKT

+255 714 850 988

@ info@sumajkt.go.tz

www.sumajkt.go.tz

UGENI KUTOKA MISRI WATEMBELEA JKT

Ugeni kutoka Jeshi la Kujenga Taifa nchini Misri umetembelea Jeshi la Kujenga Taifa (JKT) Tanzania kwa lengo la kujifunza shughuli mbali mbali zinazofanywa na Jeshi hilo pamoja na Shirika lake la Uzalishaji mali (SUMAJKT).

Ugeni huo ukiongozwa na Mkuu wa Tiba wa Jeshi la Kujenga Taifa Misri Meja Jenerali Medhat Moustafa Abdelmaged akiwa ameambatana na Maafisa wawili na Brigedia Jenerali Idd Nkambi kutoka Makao Makuu ya Jeshi (MMJ) umepokelewa na Mkurugenzi Mwendeshaji wa Kampuni ya Ulinzi SUMAJKT Guard Ltd Kanali Joseph Masanja kwa niaba ya Mkuu wa JKT na Afisa Mtendaji Mkuu wa SUMAJKT Meja Jenerali Rajabu Mabele leo tarehe 11 Februari 22 Makao Makuu ya SUMAJKT Mlalakuwa jijini Dar es Salaam.

Ugeni huo ulipata fursa ya kupewa taarifa fupi kuhusu shughuli mbali mbali zinazofanywa na Jeshi la Kujenga Taifa (JKT) pamoja na Shirika lake la Uzalishaji Mali (SUMAJKT), pia nao walipata wasaa wakuwa silisha taarifa fupi inayohusu shughuli mbalimbali zinazofanywa na Jeshi la Kujenga Taifa Misri.

Mkuu wa Tiba Jeshi la Kujenga Taifa Misri Meja Jenerali Medhat Moustafa ameshukurukwa mapokezi mazuri na kwa taarifa nzuri ya shughuli mbali

mbali zinazofanywa JKT na SUMAJKT kwa ujumla.

Aidha Meja Jenerali Medhat Moustafa ameonesha kuvutiwa na ufugaji unaofanywa na SUMAJKT, hivyo amesema kuwa wapo tayari kushirikiana na SUMAJKT kibiashara kwa upande ufugaji wa Ng'ombe ili kutanua wigo wa biashara kwani shughuli zinazofanywa na SUMAJKT zinaendana kwa kiasi kikubwa na kazi zinazofanywa na Jeshi la Kujenga Taifa Misri.

Mwisho Kanali Joseph Masaja kwa niaba ya Mkuu wa Jeshi la Kujenga Taifa na Afisa Mtendaji Mkuu wa SUMAJKT Meja Jenerali Rajabu Mabele amekabidhi zawadi na kushukuru ugeni huo kutoka nchini Misri kwa kutembelea JKT.



Mkuu wa Tiba Jeshi la Kujenga Taifa Misri Meja Jenerali Medhat Moustafa (kushoto) akisaini kitabu maalumu cha wageni baada ya kuwasili Makao Makuu ya SUMAJKT Mlalakuwa jijini Dar es salaam. kulia ni Brigedia Jenerali Idd Nkambi kutoka Makao Makuu ya Jeshi aliyeongozana na ugeni huo.

Matukio Katika Picha

Mkurugenzi wa Kampuni ya Ulinzi ya SUMAJKT GUARD Ltd Kanali Joseph Masanja akitoa taarifa fupi ya SUMAJKT kwa niaba ya Mkuu wa JKT na Afisa Mtendaji Mkuu SUMAJKT Meja Jenerali Rajabu Mabele mbele ya Mkuu wa Tiba Meja Jenerali Medhat Moustafa kutoka nchini Misri (hayupo pichani).



Meja Jenerali Medhat Moustafa (wa pili kutoka kulia), Brigedia Jenerali Idd Nkambi kutoka MMJ (wa kwanza kulia) pamoja na ujumbe wa maafisa kutoka nchini Misri wakiwa kwenye kikao Mlalakuwa jijini Dar es Salaam.

Mkurugenzi wa Mipango, Uwekezaji na Utafiti SUMAJKT Luteni Kanali George Wang'ombe (aliyenyoosha mkono) akifanya mawasilisho mbele ya Ugeni kutoka Misri Katika ukumbi wa mkutano SUMAJKT Mlalakuwa Jijini Dar es Salaam.



Matukio Katika Picha



Meja Jenerali Medhat Moustafa (kushoto) Mkuu wa Tiba kutoka Jeshi la Misri akipokea zawadi ya kalenda ya SUMAJKT kutoka kwa Mkurugenzi wa Kampuni ya SUMAJKT GUARD Ltd Kanali Joseph Masanja kwa niaba ya Mkuu wa JKT na Afisa Mtendaji Mkuu wa SUMAJKT Meja Jenerali Rajabu Mabele.



Meja Jenerali Medhat Moustafa (kushoto) Mkuu wa Tiba kutoka Jeshi la Misri akipokea zawadi kutoka kwa Mkurugenzi wa Kampuni ya SUMAJKT GUARD Ltd Kanali Joseph Masanja kwa niaba ya Mkuu wa JKT na Afisa Mtendaji Mkuu SUMAJKT Meja Jenerali Rajabu Mabele.

Matukio Katika Picha



Meja Jenerali Medhat Moustafa (wa tatu kutoka kulia), Brigedia Jenerali Idd Nkambi kutoka MMJ (wa tatu kutoka kushoto), Mkurugenzi wa Kampuni ya SUMAJKT GUARD Ltd Kanali Joseph Masanja (wa pili kutoka kulia) katika picha ya pamoja na baadhi ya wakurugenzi wa SUMAJKT Mlalakuwa jijini Dar es salaam.



Meja Jenerali Medhat Moustafa (wa tatu kutoka kulia), Brigedia Jenerali Idd Nkambi kutoka MMJ (wa tatu kutoka kushoto), Mkurugenzi wa Kampuni ya SUMAJKT GUARD Ltd Kanali Joseph Masanja (wa pili kutoka kulia) katika picha ya pamoja na baadhi ya wakuu wa Miradi SUMAJKT Mlalakuwa jijini Dar es salaam.